



SAKSFRAMLEGG

Sakshandsamar: Meline Heimdal Haugland	Arkivkode: FE-233, FA-C21
Arkivsaksnr: 19/1040	Løpenr: 20/6546
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	03.09.2020	026/2020
Kommunestyret	16.09.2020	051/2020

Plassering av dagsturhytta og val av tilleggselement

16.09.2020 Kommunestyret:

Handsaming i møtet:

Innleiingsvis orienterte rådmann Ingebjørg Vamråk og økonomisjef om spørsmåla som formannskapet 03.09.2020 bad om avklaring på til kommunestyret si handsaming 16.09.2020.

Ordførar Knut Harald Frøland (BI) sette fram følgjande framlegg til vedtak:

"Dagsturhytte blir plassert ved Kvernesvatnet.

<i>Totalkostnad</i>	<i>1.108.000</i>
<i>Kommunal eigendel</i>	<i>167.000</i>
<i>Forskottering spelemidlar</i>	<i>369.000</i>

Kommunal eigendel og forskottering spelemidlar vert finansiert med ubundne investeringsfond.

Det skal innhentast bindande tilbod/ fastpris på eventuelt tilrettelagt toalett og turløype med trekkerør for lys/ solcellestolpar. Kommunestyre får denne del av saka til ny handsaming."

Arild Røen (H) sette fram følgjande framlegg til vedtak:

"Kostnader ved å plassera dagsturhytta ved Kvernesvatnet er svært høge med anna som følgje av tilrettelegging av tilkomst. Vegen frå Søvik og ut til tenkt plassering vil vera svært krevjande for rullestolbrukarar. Me føresler difor at administrasjonen går i dialog med grunneigar Neset der det i dag står eit grindverksbygg som er flittig nytta. Veg med fast dekke må lagast fram til bygget (ca 80 m).

Plassering av dagsturhytta bør i staden plasseras ved Totræna i samsvar med forslaget fra Samnanger Turlag."

Øyvind Røen (Sp) sette fram følgjande framlegg til vedtak:

"Saka vert utsett. Kommunen opnar for fleire innspel om plassering av dagsturhytta, Fristen for dette vert sett til 1. november. Revidert saksutgreiing - der alternative plasseringar er vurderte - vert lagt fram for kommunestyret til møtet 3. desember."

Rådmann Ingebjørg Vamråk orienterte om at dagsturhytta inkludert fundament allereie er bestilt, og vil verta levert om ca. ein månad. Dersom plasseringa av dagsturhytta ikkje er bestemt når hytta vert levert, må den oppbevarast ein stad mellombels fram til endeleg plassering er bestemt og hytta kan flyttast dit.

Øyvind Røen bad om gruppemøte.

Etter gruppemøtet røysta kommunestyret over framlegget til Øyvind Røen. Framlegget vart vedteke med 20 mot 1 røyst. Arild Røen røysta imot.

KS- 051/2020 Vedtak:

Saka vert utsett. Kommunen opnar for fleire innspel om plassering av dagsturhytta, Fristen for dette vert sett til 1. november. Revidert saksutgreiing - der alternative plasseringar er vurderte - vert lagt fram for kommunestyret til møtet 3. desember.

03.09.2020 Formannskapet:

Handsaming i møtet:

Innleiingsvis orienterte einingsleiar innbyggarservice, Meline Heimdal Haugland, om saka. Ho svarte òg på spørsmål frå medlemmene i formannskapet.

Jon Magne Borgevik (Ap) viste til at ubundne investeringsfond er foreslått som delfinansiering i saka, og spurde om kvar midlane på fondet/fonda er komne frå og kva midlane opprinneleg var tenkt brukte til. Administrasjonen kunne ikkje svara på dette i møtet. Formannskapet bad administrasjonen om å orientera om dette i kommunestyret 16.09.2020.

Øyvind Røen (Sp) bad om at det til kommunestyret si handsaming 16.09.2020 vert lagt fram meir informasjon om kva konsekvensar ei eventuell dagsturhytte i Kvernesmarka vil få for Prestavegen som kulturminne. Administrasjonen fekk i oppgåve å undersøkje både dette og nøyaktig kva vegdekke som er tenkt brukt.

Odd Arne Haga (Frp) etterlyste informasjon om kva driftskostnader kommunen vil få med ei eventuell dagsturhytte. Formannskapet bad administrasjonen om å orientera om dette i kommunestyret 16.09.2020.

Rådmannen sitt framlegg vart vedteke med 7 mot 2 røyster.

For	Imot
Knut Harald Frøland (BI)	Øyvind Røen (Sp)
Lena Tveit (BI)	Odd Arne Haga (Frp)
Martin Haugen (BI)	
Shirin Kvernes Khadoor (Ap)	
Jon Magne Borgevik (Ap)	
Gunn Totland Moss (Krf)	
Øyvind Strømmen (MDG)	

FORM- 026/2020 Vedtak:

Dagsturhytta vert plassert ved Kvernesvatnet. Tilkomsten vert gjort tilgjengeleg for elektrisk rullestol, med lys langs turløypa, og det vert sett opp toalettlysing med høg grad av tilgjenge.

Totalkostnad	kr 3 025 000
Kommunal eigendel	kr 698 000
Forskottering spelemidlar	kr 1 298 000

Jamfør KS-vedtak 084/2019 er det sett av kr 100 000 til dagsturhytta som vert finansiert ved bruk av ubundne investeringsfond. Resterande kommunal eigendel på kr 598 000 vert også finansiert med ubundne investeringsfond. Kommunen søker om totalt kr 1 298 000 i spelemidlar i 2020 som må forskotterast. Forskottering vert finansiert med ubundne investeringsfond og tilbakeført når spelemidlane vert utbetalt. Me kan forventa utbetaling innan 2023.

Rådmannen sitt framlegg til vedtak:

Dagsturhytta vert plassert ved Kvernesvatnet. Tilkomsten vert gjort tilgjengeleg for elektrisk rullestol, med lys langs turløypa, og det vert sett opp toalettløsning med høg grad av tilgjenge.

Totalkostnad	kr 3 025 000
Kommunal eigendel	kr 698 000
Forskottering spelemidlar	kr 1 298 000

Jamfør KS-vedtak 084/2019 er det sett av kr 100 000 til dagsturhytta som vert finansiert ved bruk av ubundne investeringsfond. Resterande kommunal eigendel på kr 598 000 vert også finansiert med ubundne investeringsfond. Kommunen søker om totalt kr 1 298 000 i spelemidlar i 2020 som må forskotterast. Forskottering vert finansiert med ubundne investeringsfond og tilbakeført når spelemidlane vert utbetalt. Me kan forventa utbetaling innan 2023.

Dokument som er vedlagt:

Kostnadsalternativ og finansieringsplan

Innspel og uttalelsar til dagsturhytteprosjektet

Uttale til politisk sak om dagsturhytte v. prosjektleiar i Vestland fylkeskommune

Kart med turpostar-turmål i området Samnanger Turlag spelar inn

Turpoststatistikk Prestavegen og Fitjavatnet turområde 1998-2019

Dokument som ikkje er vedlagt:

KS-vedtak 084/2019 i møte 05.12.19

Epost med invitasjon til å søka om midlar til dagsturhytter i kommunane i Hordaland

Epostar med informasjon om prosjektet, pristilbod m.m.

Nasjonal strategi for et aktivt friluftsliv – En satsing på friluftsliv i hverdagen 2014-2020

Saman om aktive liv – Handlingsplan for fysisk aktivitet 2020-2029 v/Departementene

Kommunedelplan for idrett, fysisk aktivitet og friluftsliv 2014-2024, Samnanger kommune

Veileder: Tilrettelegging av turveier, løyper og stier v/kultur og kirkedepartementet (2008)

Overordnet klassifisering av tilgjengelighet (bevegelseshemmede) – friluft v/Kartverket (2019)

Naturbase faktaark <https://faktaark.naturbase.no/?id=BN00083659>

Naturbase faktaark <https://faktaark.naturbase.no/?id=BN00083672>

Kva saka gjeld:

Kommunestyret vedtok i møte 05.12.19 sak 084/2019 at Samnanger kommune er positiv til etablering av dagsturhytte i kommunen. Det er sett av kr 100 000 i kommunal eigendel til hytta.

Dagsturhytta vert frakta til Samnanger i midten av november 2020 og grunnarbeidet må vera klart innan 16. oktober. Det er difor viktig å avgjera kor dagsturhytta skal plasserast, samt eventuelle tilleggselement, så snart som råd.

Kor dagsturhytta skal plassert er i utgangspunktet ei administrativ avgjersle. Det ligg føringar frå vestland fylkeskommune om kor og korleis dagsturhyttene bør plasserast. Prosjektgruppa peika tidleg ut Prestavegen - og seinare Kvernesvatnet - som ei god plassering. Prosjektgruppa har likevel vurdert at plasseringa bør vera ei politisk sak då det har kome inn eit sterkt ønskje frå Samnanger turlag om plassering i Totræna.

Begge plasseringane stettar dei fleste kriteria som er sett av fylkeskommunen, men har ulike kvalitetar og rettast seg mot ulike målgrupper.

Vurderingar og konsekvensar:

Dagsturhytta skal vera eit lågterskeltilbod.

Mål med prosjektet

- Skape ein sosial møteplass i naturen
- Få fleire på tur og oftare på tur
- Vera ein attraksjon i seg sjølv
- Søkje ly, eta nista
- Dagsturhytte – bibliotek
- Bygge identitet – fellesskap
- Bli meir bevisst den unike naturen i Vestland – verta meir kjend i fylket

Om hytta

- 45 m2 utvendig
- 15 m2 innvendig
- Solcellepanel
- Peis
- Nynorskbiotek

Kriterier for val av plassering vert omtala seinare i saksframlegget. Sjå www.Dagsturhytta.no for meir informasjon om dagsturhytta og bileter frå gjennomførte prosjekt i tidlegare Sogn og Fjordane.


Tilleggselement

Toalett ved hytta er ikkje eit krav. Dersom hytta har universell tilkomst, eller tilkomst av høg grad av tilgjenge, er det eit krav om toalettløysing med høg grad av tilgjenge.

Prosjektgruppa

Prosjektgruppa består av prosjektleiar Meline H. Haugland, einingsleiar samfunnssutvikling Hilde-Lill Våge, byggjesakshandsamar Nina Fredriksen, planleggjar Ragnhild Lønningdal, avdelingsleiar teknisk drift Nils Jonny Skar, kulturkonsulent Daniel B. Kristensen.

Dei to plasseringane som er til vurdering:



I det neste vert det lagt fram tre alternativ ut frå dei to alternative plasseringane for dagsturhytta. Kvartert alternativ vert presentert med ulike løysningar og kostnader:

- Kvernesvatnet med tilrettelagt turløype
- Kvernesvatnet med sti som den er i dag
- Totræna i tilknytning 5km langrennsløype

Kostnadsalternativ og finansiering

- Jamfør KS-vedtak 084/2019 er det sett av kr 100 000 til dagsturhytta som vert finansiert ved bruk av ubundne investeringsfond. Nye kostnader er kostnader over kr 100 000.
- Samnanger kommune har mottatt følgjande tilskot til dagsturhytta: kr 200 000 frå Vestland fylkeskommune, kr 100 000 frå Sparebankstiftinga Sogn og fjordane og kr 50 000 frå BKK.
- Kommunen søkjer om spelemidlar i tillegg til tilskota nemnd ovanfor. Storleik på tilskot og momskompensasjon vil variera ut frå totalkostnader og type tilskot. Til dagsturhytta og toalett kan me søka om 1/3 av kostnadane, til turløype kan me søka om 50% av kostnadane. Dess større totalkostnad dess meir vil me få i tilskot. Det kan ta nokre år før spelemidlane vert utbetalt og kommunen må forskottera utgiftene.
- I kostnader for dagsturhytta er det lagt til 50 000 i sikkerheitsmargin og i kostnader for tilrettelagt tursti er det lagt til kr 10% av totalskostnad i sikkerheitsmargin.
- Oppsett av kostnadsalternativ og finansieringsplan er lagt ved saka. Tilleggslysningar som toalett, tilrettelegging av turløype og trekkør til beslysning er valfritt.

